



Primeniru Ministru RDTL, Taur matan ruak, Konversa hela ho Estrutura ST-PNDS Kon-aba Rejultado Implementasaun PNDS.

### Implementasaun Programa PNDS Tenki Benefisia Direita Komunitade

Primeiru-Ministru Taur Matan Ruak orienta kestaun ne'e ba estrutura PNDS wainhira Diretora PNDS, Dulce Guterres Junior hamutuk ho ekipa halo Audensia ho Primeiru-Ministru, Taur Matan Ruak iha Palacio do Governo Dili, 04/06/2019.

Objectivo principal husi audensia ho Primeiru-Ministru mak atu informa progresu implementasaun Programa PNDS hahu husi 2013 ate 2019, tantu orsamentu ne'ebe aloka ba PNDS no projeitu ne'ebe mak implementa ona iha suku hotu iha teritoriu Timor-Leste, inklui kooperasaun serbisu ho parseiru sira.

Hafoin sorumutu ho Primeiru-Ministru Iha entrevista ho media sira Diretora S.T PNDS, Dulce Guterres Junior haktuir katak PNDS implementa projeitu infraestrutur basiku tuir Menu Indikativu ne'ebe hakerek iha Matadalan PNDS, infraestrutur basiku ne'ebe durante ne'e komunitade sira implementa mak irigasaun, be'e mos no Estrada Rurais inklui projeitu balun ne'ebe komunitade sira sente necesariu tebes iha sira nia moris.

Diretora PNDS informa mos katak ba tinan 2020 sei iha revisaun ba matadalan PNDS nia tanba ne'e mak PNDS persija hetan orientasaun husi Chefe do Governo ba mata dalan ne'e rasik hodi apar diak liutan ho kondisaun iha baze. Diretora informa katak hanoin husi Primeiru Ministru maka implementasaun PNDS tenki simples no lalais fo benefisiu ekonomikamente ba komunitade iha baze.

### Ministerio Edukasaun Juventude no Desportu Assina Akordu (MoU) ho Ministerio Administrasaun Estatal kona-ba Kontrusaun no Rehabilitasaun Eskola 9 iha Munisipiu Hitu

Akordu MoU ba kosntrusaun no rehabilitasaun eskola sia ne'e Ministerio Edukasaun Joventude no Desportu halao ho Ministeriu Administrasaun Estatal iha salaun Ministeriu Edukasaun iha 17/05/2019. MoU ne'e Asina husi S.E Vice Ministro Administracao Estatal Sr.Abilio Jose Caetano ho S.E Ministra Edukasaun Juventude no Desportu Sra. Dulce de Jesus Soares.

Iha intervensaun S.E Ministra da Edukasaun Juventude no Desporto, Sra. Dulce de Jesus Soares hateten objetivo principal husi assina Akordu ho Ministreio Administrasaun Estatal liu husi Programa Nacional Desenvolvimento Suku (PNDS) atu halo konstrusaun no rehabilitasaun ba eskola 9 iha Munisipio 7 ho nia Montante Orsamentu U\$ 600.000. Iliu husi categoria Transferensia Publiku, kada Eskola sei uza osan porvolta de 50 ate 60 mil. Tuir Ministra katak iha Eskola balun mak sei halo konstrusaun ba Sala de Aula foun no iha balun rehabilita deit tanba hetan Estragos husi Dezastrre Naturais ne'ebe mak akontese iha tinan 2017.

Iha oportunidade hanesan S.E Vice Ministro Administrasaun Estatal, Sr.Abilio Jose Caetano nia intervensaun hato'o sentementu orgulho ba PNDS tanba iha jestaun ne'ebe diak hodi implementa infraestrutur basiku iha nivel Munisipiu durante 2013 ate agora tanba ne'e Vice Ministro Administrasaun Estatal la duvida ho kapasidade PNDS hodi implementa kontrusaun no rehabilitasaun eskola sia ne'ebe akordu ho Ministerio Edukasaun Joventude no Desporto.

# PNDS

Hamutuk Ita  
Dezenvolve Nasaun

Junho 2019

## Progresu

**Pilotu: Remata ona**

**Faze 1 Siklu 1 : Remata Ona**

**Faze 2 Siklu 1 : Remata Ona**

**Faze 3 Siklu 1 : Remata Ona**

**Faze 1 Siklu 2 : Iha Etapa 10 (Sertifika, Enkontru Akontabilidade 50% Primeiru)**


**Faze 2 Siklu 2 : Iha Etapa 10 (Sertifika, Enkontru Akontabilidade 50% Primeiru)**

**Faze 3 Siklu 2 : Iha Etapa (Transferensia Fundus Operasional) Remata Ona 2017**




## Konstrusaun

### Faze I Siklu 2



### Faze II Siklu 2



### Enkontru Kordenasaun Nasional ba Implementasaun Rehabilitasaun no Konstrusaun ba Ensinu Baziku sia (9) ne'ebe sei Implementa ho Sistema PNDS

Objectivu husi Enkontru Nasional Implementasaun Rehabilitasaun no Konstrusaun, PNDS no MEJD hodi fahe informasaun ba Diretor Edukasaun husi Munisipiu 7 no Kordenador PNDS iha Munisipiu 7, kordenasaun Nasional ne'e partisipa husi DG Politika Planeamentu e Parseria, Diretor DNIE, Diretora Nasional PNDS, Funsionariu sekretariadu PNDS, Chefe Unidade 2 no Chefe Departamentu 6, iha salaun infordepe balide, 11/06/19.

Iha intervensaun Diretora Nasional PNDS hato'o katak Sistema ne'ebe PNDS iha maka Ministeriu Edukasaun Joventude no Desportu fo fiar ba PNDS hodi implementa uma 9 ne'ebe orsamentu rasik mai husi Ministeriu Edukasaun, Diresaun Nasional Infraestrutura Edukativa tanba ne'e Enkontru ne'e atu hatene lalaok mata dalan implementasaun liliu prosesu planeamentu, aprovijonamentu, atu nune'e komunidadere gero osan suku nia ho diak.

Iha oportunidade ne'e Diretora PNDS akresenta katak fiar no konfiansa ne'ebe Ministeriu Edukasaun fo ba PNDS atu implementa projetu eskola sia inklui fatin halimar hamutuk 124 iha teritoriu Timor-Leste mesmu iha difikuldades barak maibe espera katak PNDS sei finalize projetu hirak ne'e ho qualidade diak.



### Sekretariado Tekniku PNDS Renova Akordu Parseria ho Banku Nasional Comersiu Timor-Leste (BNCTL), Akordu ne'e Halo Hodi Bele Fasilita Prosesu Tranferensia Orsamentu Implementasaun PNDS ba iha Konta Bankaria Suku Nian Diak Liu Tan

Renovasaun Akordu entre Sekretariado Tekniku PNDS ho Banku Nasional Comersiu Timor-Leste (BNCTL) ne'e halao iha Salaun VIP Ministeriu Administrasaun Estatal, 14/06/2019. Objektivo husi renovasaun akordu parseria ne'e mak atu fasilita transferensia orsamentu implementasaun PNDS ba iha konta bankaria suku nian hodi hafasil komunidadere sira atu halo levantamentu orsamentu suku nian ne'ebe transfere husi governo ba implementasaun programa PNDS.

Vice-Ministro no Ministro Administrasaun Estatal em exercicio, Abilio José Caetano afirma Ministeriu administrasaun estatal haksolok tebes tanba durante ne'e BNCTL iha parseria diak tebes, laos deit ho PNDS maibe tranferensia orsamentu Administrasaun Munisipal sira mos uja Banku BNCTL, espera katak ho akordu parseria ne'e bele fasilita diak liutân komunidadere sira bele ho fasil halo levantamentu osan suku nian iha area rural hodi uza iha implementasaun programa PNDS.

Entretantu Presidente Conselho Administrasaun BNCTL, Brigido de Souza hato'o obrigado barak ba konfiansa tomak ne'ebe Ministeriu Administrasaun estatal fo nafatin fiar ba BNCTL, hodi fasilita tranferensia fundus sira ba iha konta bankaria suku nian.



Atu hetan informasaun :  
[www.pnds.gov.tl](http://www.pnds.gov.tl)  
[info@pnds.gov.tl](mailto:info@pnds.gov.tl)

Atu fo imi nia hanoin:  
[keixa@pnds.gov.tl](mailto:keixa@pnds.gov.tl)